

聖宋名賢五百家播芳大全文粹卷第二十二

賀啓

太守

賀蔣守啓

王介甫

伏審拜命徽章陞榮北省伏惟慶慰竊以上大夫為內諫漢擢忠
良府李士統要藩唐稱優顯迨宋兼任非賢不居恭惟 某官天
與粹溫岳儲靈哲夙抱經濟游天子之彤庭首見推明為士林之
高選斷直躬以自處仗大節而不回名動一朝官歷兩省望之補
外理固非宜陽城拜官賀者甚眾上方圖任夕有召書某展慶未
遑抃心竊倍願言沉冗將幸坏陶依戴所深翰墨難致

賀張守啓

熊子復

伏以五馬經塗比欵燦花之論雙魚遣翰載披麗藻之詞審肇布
於教條宜及膺於福履伏惟 知府宝文受才傑異造理精微碩
德端時若星鳳之始見瑰文迈俗豈龍驥之能追蚤進列於朝紳

亟出持於使節有功見知則悅寵既辨於召環非道不敢以陳對
果前於釐席寓西清之近職殿南紀之舊封庭戶初修已達湖山
之千里方國是賜佇膺書札之十行論思歸潤於本朝功烈用光
於先世某未諧祠廟猶玷藩壁尺緘聊附於回翔寸抱第增於搖曳

賀辛守啓

宋 文淵

伏審寵膺中詔益峻近班再領舊麾追還移命宣道途而載頌溢
朝野以騰歡伏惟慶慰恭以 某官李探賢聖之微識造天人之
蘊仁一能斷裁力事於矣譚知以不可鎮百城而偃息揚名當代
藹文奉朝進宗文閣之華益見上心之注古雄秦嶺外距邊陲付
之股肱倚為并翰黠羌千帳一籍其威聲虎士萬羣咸聽於號
令能寬西顧允屬巨人行聞召即之趨入奉凝旒之對如魏相以
荐居洛邑黃期之再守潁川咸以功庸登為輔弼某退惟拜管
下奈且靴屐以趨風徒簡片而奏記忻愉併佳敷叙奚殫也
為邦家自行與息

賀李守啓

史 鴻漸

少省戶擢闡共仰四仙山之名勝使符剖竹來臨三近古之邦鄉方
熊軾之載憑已蟬頰之增重斯文甚幸吾道有光恭惟 某官柱
下亥通龍門深處深中庸太李之秘時露端倪窮先天太極之微
發為論議世仰西南之二李名參嘉祐之三蘇百年今見於幾人
養香多沾於後李毫端飛動豈徒渴驥而怒倪文燭推高但齊見回
牛而守虎蓋嘗掌邦典以佐太史抑又作進李以誨諸生自宜草
尺書於槐龍无筭翠之問何乃把一麾於竹馬郊迎之際諒以經術
而食吏事必漢名儒故知岳牧而用詞人由唐舊典第虞未燬之
席已賜追鋒之車某起魯諸生游鄭鄉校晝誦歐陽公而夢見幼
識范文正為天人屬因此馭而來遂喜摠衣之願從余抗而講論
竊嘗慕少章之賢歌京兆之平反行用繼蘇州之什

賀趙守啓

趙 公迥

恩隆鳳檢據千騎之上頭信合虎符總六龍之潛邸載頒新政喜

識故侯恭惟 判府吏部龍固玉樹臨風冰壺射日青綾錦帳蚤
陞郎省之華紅旆珠幢存領袖垣之重惟不容然後見君子非難
進無以為大臣斷由中宸之知付以上流之寄惠孚千里聿歌鴻
鴈之詩威著三軍坐肅毘休之令式卷建安之舊鎮再頌郭伋之
重來与粉陰以相連蔽棠陰而未改詔令趣駕上深軫於宵衣榮
遂過家君何殊於書錦靡容黔突亟拜紫泥其一別英標五周歲
命奇鄰國猶外府孰如同姓之親視忠州為故人願借餘光之及
永言欣抃莫既敷宣

賀趙守啓

高文規

錦帳名郎開潛濬而載鎮青衫下吏服獄掾以來趨一新前日之
教條行快平生之瞻觀敬陳尺素以展寸誠竊以州縣之勞莫先
徑行之重捶楚何求弗獲古人以折獄為艱刑戮不可復生君子
以盡心為訓是以不極兩辭之聽必歸五過之疵故列國之際取
淑問如前修三代以還推陰功於後衣漢東都以決曹而歸重唐

名士多法掾之屑為惟國朝專務於寬仁顧刑獄尤加於欽卹以
謂刑以裁姦而法既多其出入罪麗于法而情或失於重輕遂創
掾僚特專惟鞫不必督府劇者乃置二人至于重囚疑則仍容覆
讞然或胥史蔽欺則未懲宿弊權勢枉撓則轉失初情故興國勅
書列郡務更其罷軟至天申詔日銓曹並選其彊明要在不吐剛
而茹柔所以為明罰而飭法矧此建溪之巨屏寔為今日之价藩
地大物夥而民訟固煩目見耳聞而人情喜鬪又乃走集之境尤
叢推剽之姦念摠摠而生林林而羣雖云多辟儻穆穆在上明明
在下自曰不冤庶辟列曹少寬吏責茲蓋伏遇 判府龍圖吏部
生民先覺命世全才黼黻文章秀分河漢之派珩璜珪璧蔚為宗
廟之英遂簡上心浸登華貫忠言嘉謨動膝前之眷崇論閱議興
見晚之嗟光燁筍班芳生蘭省專闡邊甸草木尚識其威名分鎮
上游江漢早思於遺愛既蜚聲而騰實乃更治以考功蓋朝廷已
深知弱翁奈穎川當復臨黃霸恬棠勿剪方思南國之教明騎竹

紛迎爭喜舊侯之約信撫接昔時之父老布宣春日之詔書御衆
惟寬齊民以禮將見人重抵罪比屋化為善良物各厚生園扉可
臻虛曠其木彊不慧椎鈍無奇平昔之訓非在九章黽勉之勞寔
存三金歛參軍之板敢夷望於西山為會府之僚輒濫吹於南郭
蓋念黃卷已廢丹筆行親不學之留曷嘗斷斯獄矣投誠于上必
然使無訟乎幸會之深敷陳罔既

賀黃守啓

宋 仲山

寓直西清分符東蜀以曲從於懇請故特示於優優下車之初決
境存慶伏惟 某官得先天康節之學俟後世子雲之知其無時
而不宜蓋有本者如是被召殆行於百里為郎僅及於六旬即當
超遷乃復外補介于石故能不終日良其背所以不失時適斯道
之固然抑遠民之幸甚某碩惟踈拙荐獲依承特蒙惠問之勤益
見同寅之義

賀呂守啓

熊 子復

伏以九里餘波方藉寶鄰之比五雲奇彩遠蒙華牘之貽仰以見
於謙冲俯自憐於遲拙恢台對序畫諾頡城諒六氣之順調有百
靈之交護恭惟 知府直閣英姿挺出逸韻渾成師友淵源早紹
家傳之粹儒雅緣飾久推吏最之優自榮擁於守麾嘗特蒙於褒
璽積書帛而連雲漢已通中祕之班聽履而上星辰佇造丙廷之列
某昨祈閑散誤易蕃宣鄰州之號神君稔聞異績紙書之賢從事
曲奉好音尺緘聊附於回翔寸抱但增於搖曳

賀趙守啓

趙 公若

光奉殊榮寵移舊鎮江山偉觀還曩日之雲煙桃李餘陰話當時
之雨露不特郡人之歌舞已聞江國之驩傳恭惟 恩府判府龍
圖吏部先生李潛淵源德新黼藻銀潢在漢英華發天系之芳玉
樹臨風儀彩動宸旒之鑒蚤逢異識亟展壯猷才綽冠於朝聯書
寢高於郎選出持使節戢茲之志於登車攬轡而見之游領郡符
繼德之氓有卧轍攀轅而留者凡此循良之効本諸孝友之誠蓋

日吹伯氏之壘而時戲老萊之彩惟夙純於內行故特簡於上心
江夏政成方以臧而奏課富沙地近已得請於便親旌麾列千里
之迎鼓吹聽十年之舊兒之乘竹馬見并州德化之深夫人之
御板輿倍潘岳家園之樂此人子至難之榮養爲士夫無極之美
談想休聲益著於龍藩則平步徑躋於菟禁周姬姓封侯者五
十旣賴蕃宣唐宗室入相者九人當升宥密側聆圭覲別有柄除
其素厚知憐緬懷恩紀鄭司農之推轂昔已賴於陶成周刺史之
題輿今復希於獎借何其際遇再此依歸耳聆千騎之南臨心若
百川之東折其爲贊拜曷旣敷陳

賀王守啓

胡仁仲

光奉宸綸寵紆郡綬當教條之初下藹謠頌以驩傳豈弟所臨中
和自至伏惟 某官性資忠厚器宇闊深經術通明雅擅河汾之
與言文章綺麗遠追滕閣之風早躋危科浸階臚仕談兵青幕坐取
樽俎之功佐刺緹屏亟上農桑之課鸚章刻奏熊軾疏榮分千里
之顧憂豈勞游刃被十行之渙溼行趣賜環入覲清光平躋華貫
某濫茲承之獲遂依仁猥蒙賤翰之貽深認情文之渥其於銘篆
罔罄敷宣

賀唐守啓

陳君舉

九天雨露渙黃麻紫誥之厖恩千里雲煙藹綠水紅蓮之佳氣室
家胥慶福祿日來寸心方樂於鶯迂尺牘宜伸於燕賀恭惟 某
官陶唐析派岷蜀儲英學海波濤浩錦江之萬頃詞林根柢屹劔
閣之千峯望鵬路以橫飛指鳳池而峻陟主知固結宸惠至濃忽
辭青瑣丹墀聊擁朱幡皂蓋判花塲上振相如揚子之芳鹿夢草
堂前躡逸少謝公之邁軌精神秋月談笑春風蜚紫馬之英聲掃
蒼鷹鳥之苛政家給而衣羸五袴年豐而麥秀兩岐未爲商室之霖
已沛潁川之雨禮晞東閣屢開北海之樽性戒西門止用南陽之
杖下車屬耳載路驩謠復爲列城二千石之良先達當宁十二旒
之聽宜蒙天渥尤慰民瞻一札細書拜白水真人之賜千金增秩

繼黃龍循吏之名與星斗以爭輝覓湖山之動色祗恐縉紳之交
薦不容州縣之徒勞朝廷已深知弱翁信將大用天子久不見賈
誼想亦深思其寄身鑑鍾之間託迹幘幘之下喜而不寐樂且有
儀已幸營丘成伍月報周之政更期河內申一年借寇之言

賀鄭守啓

張文饒

伏審存膺明制易守藩符斬煩經濟之才俯就承宣之地厭江湖
之優逸臨關塞之浩繁成命流行輿情慰悅恭惟某官神機淵
靜器宇沉深李洞本源不數古人之糟粕文參造化常先天下之
英髦振藻書林躋榮赫靈泉道既行而志愈勵位雖貴而色不驕
多士所以傾倒於下風高名以之暴白於當世進退以道不易操
於險夷卷舒惟時故冥心於欣慨果膺優渥還陟邃嚴瞻觀山
河聊慰袴儒之望謀謨廊廟即觀衮繡之歸某蚤以青衿列於絳
帳今塵州序仍庇台光頌王褒樂職之詩猶賢於童子賦魯侯采
芹之頌願比於諸儒瞻抃載深敷宣罔既

賀李守啓

鄭伯仁

仰膺鳳檢下綸綍於九重來鎮虎城作袴襦於千里先聲所暨公
議攸歸恭惟判府都鈐都運間世才猷際天器識惟經綸之素
蘊宜柄用之踐更時散歛以厚生投刀若若謹轉輸而調度攬轡
慨然使節屢持守符荐剏豈弟素收於名望公忠自結於立知章
貢澄清暫作龜魚之主風雲際會佇參鷄鷩之行某自顧鯁生尚
資鴻庇塗窮安往墻仞是歸雖無三語之能賴有二天之託依芙
蕖而泛綠水晚進何堪披雲霧而覩青天此生何幸望塵伊迓引
領尤深

賀任守啓

史伯鎮

祗奉詔音鎮臨宸服惟茲太末之里本實東陽之墟徒馭從容宿
眷糧而已至吏民止羨晝衣錦以何殊恭惟某官字冠時髦望
隆禁路言辰可績皆昭合於廟謨知無不為幾轍環於方域既登
共理之最力丐就閑之安豈容與世以兩忘果為斯民而再起望

九重之闕咫尺不遠据四達之衢舟車相屬實資具材敏以濟事
叢諒游刃之何勞抑賜環之有漸其一違誨益再閱歲餘心搖若
旌幸奔走之少定地錯如繡復庇庥之可依念披霧務之未諧已溯
風而懷想

賀傳守啓

熊叔雅

伏審鳳宸疏榮帝遣一麾之出龍津增煥神催雙劍之歸休聲所
同和氣自至竊以前輩作牧必先教化之原近歲專城惟急負財
之務間里欲消於愁恨廟堂肆擇於循良蓋善政流風其故家猶
有存者俾回心向道非俗吏所能爲之恭惟 知府大夫溫藉醇
深規摹宏博蔚有令望播于清朝佩刀久屈於回翔簪筆人且躋於
華邃謂守綏乃人生之貴而親闈當日養之嚴乃付使藩以煩其
理雖地有溪山之勝而人無衣食之餘連年每值於軍需下邑遂
踰於法禁因緣藉口培克恣情利源既竊於胥徒賦額仍科於編
戶吏姦如此郡計若何儻先禁黠之除即具撫摩之要某早蒙異
顧久隔光儀念孤從逢刺史之二天豈非幸會然去期類京兆之
五日莫遂稍留意嚮徒勤詞訥焉既

賀李守啓

鄭伯仁

肅膺之檢榮鎮桐成分九重宵旰之憂當一面蕃宣之寄併蒙所
暨鼓弄尤聞恭惟 某官直道致身孤忠許國早登華第歷踐清
除擢爲丙尉之文豹變則虎舒作陽和之氣應化爲萬全活幾
千萬人利害非尋常計氣緊激厲神明護持既身節以俱全宜
褒嘉之屢稱典農東浙方調斂散之宜司憲全閩已著平反之幸
累宣勞於劇部暫均佚於真詞願泉南襟帶之區實江左輔車之
地祇求共理永屬惟良起謝安於東山慰斯民望命申伯於南土
付以邦條恩德在人歡譟載路行播中和之頌大臻清淨之風上
方有爲協齊中興之業公寧久外宁膺廣內之求某曾忝屬僚屢
蒙溫芳適茲二局但望清塵揚氏之宅一區日依雲陰夫子之墻
數初心劇旌搖喜与鬼并意非言盡

賀韓守啓

張安國

繡幢畫戟占東藩鼓角之雄寶李王文新廣內圖書之直入謁尚
遙於賓榻修亂敢候於齋鈴恭惟 某官粹量淵博英姿山立
無不可凜乎當代之偉人政得其宜卓尔中興之循吏乙堅識尚
書之履四方勞申伯之藩留籥九竅已壯長江之險戈船下賴還
清翰海之波願疇外弃之勳遂贊西樞之畫某猷違墻仞多閱歲
時大司寇之義刑嘗拜家庭之賜小諸侯之述職敢忘方伯之尊
嗟問訊以成踈且懷恩而未報所祈宏度終諒微誠律官崢山和
問整暇冀益綏於純段亟趨覲於嚴宸

賀張守啓

耿元鼎

恭審上夏澤國嘉聖最之去思公輟臺城撫舊邦而來蒞銅魚好
在慶浹一時竹馬交迎春回千里諒惟歡慰惟時制部有古兵門
冠黃閣三輔之雅森畫戟千兵之衛偶屬憂天之大浸徧為卷地
之橫流泉雖免於葬魚饑已聞於蠹鼠軫當守焦勞之念欲無窮
桑之餓人思襄時惠愛之風必假甘棠之召伯壺丹溢道肅鼓聞
城恭惟 某官負廊廟之才鍾海嶽之氣臚傳第一運協當千鞞
翔乎道家之山揚歷乎列宿之舍始直筆立螭蚴之下俄屬車從
豹尾之中詞妙判花真鳳閣舍人之樣筆精入木掩鵝經內史之
書何暫厭於京師遂一麾於胡海左司燕寢方勝五袴之謠留守
麟符忽與千門之命見夷吾於江左出裴度於山南晉室何憂唐
宗以悟適奉潘輿之樂未皇墨突之默欲合浦還珠請返玉堂之
治若遼東化鶴恍驚丁令之歸諒繼交褒趣乘柄用无津涯若涉
大水流離罔動於浮言雖飢饉必有曲且年裕是不難於反掌某考
書下下論止平平蚤望履於洪都嘗騰城於茂苑茲綠屬邑始逐
登門欣盛事之播聞欲中宵之起舞旌旌在望願先覩以為榮袞
繡趣還慮莫託於承比其如欣抃罔罄敷陳

賀鄭守啓

何子建

伏審水奏封章上還機政枕亂莫奪宥眷弗違冠秘殿之遂嚴

宅名都之憂佚高風獨振輿論有光恭惟 某官博大疎明清忠
端亮德備陰陽之和氣亨分造化之全功發其淵源譬為翰墨富
雕萬寶力轉千鈞喻游夏之不言寫淵雲之未賦達於政事繁芒
刃之發刑服在廟堂粹陶鈞之播物亦垂夷震宜華夏尊安倦台
鼎之久勞運天地而少息必當還尉蒼生之望豈非往從赤松之
遊惟世所瞻有神克相某地寒寡與分薄數竒猥以窮苦之亂驟
獲吹噓之力豈惟銘佩亦以激昂恩德未酬門墻浸貌傾餘照以
長想撫孤振而自憐頌詠逾深情誠並竭

賀張守啓

林 豈塵

伏審宸庭賦命侯甸頒符厭水明禁直之聯冠章善清官之選朝
士莫不相賀國人亦皆曰賢恭惟 吏部待制行歸楷模智遠龜
筮温玉粹金相之器非筆精墨妙之聲隆注想於冕旒從觀瞻於
簪紱諫垣密勿茂揚寒禱之風禁惡無春交兵勵公忠之節惟國家
共理以良吏故出牧特用於詞人知赤城本今古之福庭在虛越
為東南之佳郡如公有幾人者是行若登仙然伏想朱明畫戟之
餘風用訪流水落花之舊跡且雲龍久契固未志北闕之心而風
月相逢應不負南樓之因雖五馬乃人生之貴然雙鹿本公位之
祥豈鈴齋久對於高春宜鋒車蚤聞於趣召某從遊積素潦倒自
慙方看刺史之近除選得吾賢而大喜望戟枝而睇遠想旆影以
心搖桃李无言自有成蹊之慕燕雀雖賤亦知賀厦之情苟富貴
未必相志則故舊亦所不弃其於欣頌曷罄敷陳

賀龐守啓

鄭 伯仁

佇膺鳳檢來鎮虎城民脫灰燼之餘政復袴襦之美先声甫尔衆
志翕然恭惟 某官命世真儒鎮時宿德議論太平之根本猷為
後進之規模延閣陞華直奎壁圖書之祕外臺昇寵歷江淮飛輓
之勤未替龍光載分虎節眷首章之莞篔簹實湖粵之咽喉守牧
之來老成是擇屬驕卒弄潢池之刃惟丞良皆沸鼎之鱗士庶奔
波隻身不保問閭比櫛一炬无遺其餘隳頽之幾何跂踵以望所

幸來蘇之在还莫枕可期重為慈仁拯此凋察碩已結知於九陛
豈容卷澤於一方棠芟初臨芝函已下某碩惟綿菲托庇幘幘廷
趨欵板之有期心喜播旌而已極依芙蓉而泛綠水晚進何堪披
雲霧而觀青天黃綠有自

賀孫守啓

陳 德寬

伏以聽尚書之履暫別宸廷懷太守之章復開盛府恭惟歡慶
某官三朝耆碩多士宗師李貫九流而探於精微文追兩漢而高
於典冊蚤以人望簡于聖心直道而行柔豈甘於慕舌見幾而作
後何悔於噬臍自領侯藩益隆天眷教條雖舊遺愛尚新入境
抗旌擁驪迎之竹馬當宁友席行趨召於鋒車某以此周旋悵然
離索寒裳濡足愧明哲之高風緩帶輕裘想藩宴之樂事方深
健羨遠辱緘勝感悚之私叙陳罔既

賀李守啓

史 唐英

願膺之檢肅鎮梅邦開府之初輿情惟允恭惟 某官儒雅飾治
慈愛洽民効方展於題輿卷已隆於當宁正當臨民之選歷試三
刀果聞化俗之能來蘇五嶺暢霜威於羣醜單河潤於鄰封行達
淵衷別加峻擢碩惟存陋託庇幘幘未通雙里之誠先沐五雲之
龍謙冲俯逮斬感交攻

賀熊守啓

黃 景聲

奉選勞之新澤齊次對之舊班屏翰有光朝廷增重恭惟 某官
英豪間氣道德名儒李第六藝之醇文起八代之陋討論潤邑崖
因珠而不枯險阻艱難草以風而知勁碩惟利都既訖外庸龍已
升雲乃眷攀鱗之舊魚方從壑更逢放水之寬京在端歸即膺巨
用澆瓜為惠坐令一境之安采非不遺更荷五雲之及

賀馬守啓

王 季高

伏以千里廣輪久俟惟良之任一時賢折聚膺陟拜之榮煥宸命
以惟新釋民情之所望恭惟 某官性函方重鑒裁清淳謀謨治
世之南車聞望士林之北斗經綸有韞素推江左之才轉變不窮

孰論吳中之敵負匪倫之踐操未盡展於猷為方宵旰之憂民寄
龜璋而作守滿城和氣皆表扇之披揚闔境歡聲賴范襦之衣
被即還巨用豈久外更其竊伏輝華喜旋里燕必恭之禮未容
望履以修誠來暮之歌徒獲與民而同頌

賀趙守啓

趙承之

誕敷明制易鎮雄藩中二千石以寵守臣四大開於侯社方七百
里而封同姓抑用壯於宗盟盛德所加傳聞相慶恭惟某官李
通聞奧識鑿幾微子產仁心非有期於輿誦荆州清德本无意於
人知自簡記於宸衷寔發摠於賢蘊惟章責控臨之會當兵民寇
究之餘宣乃王靈嘗假中權之節疆之戎索遂夷窮徼之風逮改
異於名臣始旋臻於樂土牧養以平盜賊遠符渤海之良規簡易
以便吏民近追清獻之故事方朝論贊觀於奏課適江城正遴於
擇人四國于蕃爰取功能之效諸姬為近允惟休戚之同居人雖
鬱鬱於去思行道已誦於來暮第虞詔紫不待笑黔其自處泥塗
莫規星漢夙幸聯於子姓晚將列於附庸謠者萬壽之詩庶遠齊介
之患望蓮花之府實同燕雀之歡

賀董守啓

趙承之

簡自淵衷起臨巨屏吏民拭目以改觀父老扶杖而拜恩謂明詔
圖任舊臣方咸登於眾正而上意不忘遠俗乃加惠於一方必有
霈然膏澤之施不唯因于文法之故恭惟某官天才絕倫國瑞
應時過庭而克世其家立朝而無出其右主盟文教傳舊學於北
方尚論循良還淳風於西漢密勿代言之地從容次對之班道格
君心之非辭鼓天下之動賢者在位豈徒潤色之功近臣盡規實
罄謫思之益遠名高而衆媚之身退以時潛坐觀夸者之死權切
斲貪人之敗類鯨吞蠹作曾砥柱之不移露廓雲披見景星之獨
出乃眷名藩之寄姑惟舊物之還鳳方下以覽輝驥暫馳而歷塊
江湖都會雖地望之匪輕廊廟遠圖豈聖時之易得灼知廷告不
待政成某孤學已踈微生且後誦名臣之事業殆若神人想前輩

之風流莫傳師友願以附庸之列爰依天府之光瞻畫相之下帷
徒仰諸生之幸從范公而慶朔尚陪下吏之榮

賀張守啓

宋 文淵

伏審軺傳一封暫駐觀風之軒蓋金城千里載觀作牧之威儀日
聞綸誥之揚庭偶奉檄書而訊獄一清叢棘三閱堦賞遂令萍梗
之蹤不達芝蘭之室退惟鈍鈍實負凌兢恭惟 某官志烈秋霜
教行時雨篤實輝光新其德仁義禮知根于心爰撫清時勉摠素
業蘭江共理夙隆二千石之權荔浦循行殆歷三十州之壤涼二
想聞於風采皇皇綽有於光華暨當雲陛之掄材復欵星沙而將
漕承命以往志宣激濁之威直道而行欲抗引嫌之疏既聞丹宸
爰動清衷榮膺一札之温言寵易三刀之重寄式臨長厦誕布寬
條穆穆仁風惠已揚於羽扇遲遲化日爰常滿於棠陰豈弟
以宜人咸詠中和之樂職竚觀環召亟踐金門伏念某雖支子為箕
未能制錦徒耗大倉之粟全再貳政之謀幸託幘幪庶逃駁垢
俯殫駑駕恭事大夫之賢仰異龍門儻異衆人之遇

賀夏守啓

鄭 頴道

伏審昔持金節榮膺使指之權今握竹符重領侯藩之寄帝心簡
在物論允諧凡屬統臨率從鼓舞惟上饒之名郡實江左之奧區
珠玉駢闐桑麻蕃衍江山秀發風俗醇深逮夫比年以來不可同
日而語軍儲星急穀價日期比屋剝膚莫應誅求之急羣山剝腹
絕無粹美之珍適丁旱暵之餘兼值瘡痍之後編民困弊屬邑彫
殘如脫沉疴尚有呻吟之苦若保赤子正須鞠育之恩誕降明綸
式煩良牧恭惟 某官器宇宏博性天高明文為儒者之宗識通
天下之務去就關人才之得失用捨繫朝廷之重輕蚤簡上知浸
更要任當五百年之名世出贊昌期執二千石之重權獲觀善政
六條初布千里爭馳威寒吏膽而聲疾雷霆化洽民情而恩濃雨
露若水之清嚴為治比德猶慙子元之決遣如神論才尚小匪賢
刺史孰能與此雖古循吏何以加諸第虞休與亨上聞行難借寇

正恐丹書之下逮，竚見徵黃用資作礪之求。式慰為霖之望，將使萬方之被澤，豈惟一介之蒙休。矧此孤蹤，獲依巨庇。伏念某箕裘素業，豈希晚生。鄉老薦書，常切叨於首選。賢關較藝，繼每玷於上游。數移絃誦之春秋，孰厭藜藿之且暮。屬虜寇猖獗之際，當國步艱難之時。義士痛心，忠臣扼腕。詔音懇切，大興籌策。科士氣奔騰，樂赴功名之會。競陳謹直，爭吐英奇。遠叨武弁之光，翻笑儒冠之誤。三年戎幕，幸脫身虎口之中。十載書林，恥投迹龍門之下。念歎碎詞鋒，而再舉誓將攻筆陣於萬仞。奈家徒四壁之空，及門有偏親之養。歛版一官之列，知我者天折腰五斗之間。為貧而仕，願惟尋瑣尚與矜憐。矧君桑梓之邦，親被袴襦之化。拭目快爭先之覩，傾耳聞來暮之歌。敢陳不腆之辭，以冀非常之遇。鷓鴣有託已幸，遂於巢林。燕雀何知，庶獲伸於賀厦。成文在斐，竚命驚鳥。

聖宋名賢五百家播芳大全文粹卷第二十二

賀啓

賀啓

太守

賀周守啓

孫正之

伏審傾北海之尊甯，分光於一日。擁東方之騎，亦均覆於二天。眷幸會之非常，喜餘生之有託。恭惟某官先賢世胄，今代人豪。公瑾之英烈，尚存伯仁之風流。未泯百年垂裕，千里蒙休。輟神館之清資，付專城之重寄。羣兒爵躍已大喧，騎竹之迎一老龍。鍾猶能進拔薤之隱，即諧瞻拜，但切欣愉。

賀江守啓

邵懷英

伏審巧便親闈，就臨郡綏。優游戲綵，無道途數舍之勞。寬大頒條，有井邑連墻之便。蓋特隆於簡注，容自遂於懇私。卧鎮之初，歡謠載洽。恭惟某官才周物表，文擅國華。丹旆赤墀，自結知於明主。紫微青瑣，殆歷試於華途。迺退託於咳蘭，更亦瞻於鄉梓。囊封

屢上弥敦養志之求宸翰載頒特畀專城之養山川不改間井如
歸指丘水之舊游動旌旗之喜色某昔嘗瞻望今復親依賈誼奏
篇叨與刪修之末齊風報政佇觀課最之先禱頌深叙陳曷既

賀胡守啓

汪 聖錫

伏審顯陞內閣申總邊城渺聽慶音良深抃摑伏惟 某官懷材
瞻敏稟質忠純蚤馳當世之聲猷果契有為之事業虎韜豹略師
行樽俎之間鐵堯湯池勢逼檀裘之外遠夷響動黠虜氣殫峻
功因儒帥之謀寵數協士林之望某方修慶禮遽辱謙勝遐企麾
撞第勤心目

賀游守啓

王 德立

十行鳳詔起謝傳於東山千里虎符屈召公於南國何幸儒宗之
復用庶幾民瘼之必瘳道之將行喜而不寐恭惟 某官天民先
蒼王者首英隱然形大以声欲凜若芒寒而色正高明之季孟荀
真王者之師康濟之功伊呂乃聖人之耦早逢熙運徧歷華途大
節堂堂不為雪霜而改操丹衷皎二殆與日月以爭光中心不動
於一毫外物何憂於三黜碩陛辭之已久注宸眷以弥隆果奉綸
言亟分侯服矧楚尾吳頭之地據閩商粵賈之衝觀閣鱗差江山
秀列九領承宣之寄无非偉傑之才帝曰汝諧卿為朕往先聲所
至草木已知於威名和氣頓回桃李爭妍於春色擁雙旌而肅引
騰五袴以謹謠岳牧止用於詞人遠邁唐朝之故事刺史入為宰
相行看漢札之新頒某遠寓邊陲欣聞郵命頌掃門而莫及悵賀
厦以無階五馬贊書可度人生之貴雙魚委質輒修堂下之恭慶
抃交孚敷宣罔既

賀梁守啓

孫 仲益

四海聲名夙著宗儒之望一時人物獨高政本之科方資共理之
求允屬永流之寄恭惟 某官勞謙下士居簡臨民明哲王之蓋
臣豈弟古之循吏擁東方之騎已大慰於遐瞻憇南國之棠宜少
留於高躅睹二天之風采溢千里之春声自憐投老之餘獲在容

光之地繫大賢之高致奚弃先游則賀客之下寮自慚末習

賀張守啓

范西叔

竦聞蒼命光奉恩綸解印陝郊作藩楚服伏深慶慰恭惟某官
李通今古識際天人遇事敢為直躬无愧風生芸閣皆名理之談
鶚立霜臺有忠義之色恥遂容身之計勇為去國之行列郡澄清
蕭然虛囿斯民饒富浩若流泉俯臨大國之封遽報暮年之政益
隆宸眷更守名邦浮鷁清湘聊適江湖之興懷欽紫禁行追翰墨
之游人猥以塵蹤切攀英躅石渠舊事嘆從宦之飄零銅虎優
恩期望風於髮髮第方謀命駕先辱飛騰竚申伏謁之勤少慰叙
陳之願

賀韓守啓

葉之望

黼座疏恩朱幡出鎮輟元俟之千乘布溫詔之十行人望翁歸王
丞丞其渥切以閩邦勝壤建水上游自昔揚州之故區上直星紀之
分野江山如盈列武夷之洞天地望最雄控東甌之襟帶密邇九
重之行殿宛同三輔之陪京自非五百年名世之流曷稱二千石
惟良之選恭惟判府左司直閣智周物表道覺民先吏部文章
擅二百年之聲價荆州風采過一萬戶之侯封傳家獨擅於典刑
入仕早符於際遇險夷歷試中外踐更旋躋宰屬之榮繼禹祕
圖之直持荷簪筆盡處禁嚴擁壽縣建牙斬司屏翰蓋聖朝之
外本守臣之得人先聲初下於斗南和氣頓回於閩嶠京師蒙福
已觀郭伋之行朝廷深知即慶弱翁之召某劔津賤士錦里負丞
慕義何帝於十年庇身幸佐於百里槐松對植敢矜除水之鳴荆
棘雖微亦冀慶雲之覆恢胎在候景物漸舒仰旌旆之在途擁休
祥而來舍曾懷所蘊筆舌難窮

賀宋守啓

朱子履

伏審光膺鳳詔榮剖虎符見一人眷倚之隆為千里生靈之福吏
民交慶遐邇均歡恭惟判府朝議神清氣和量洪德厚儼日角
珠庭之人物傳瓊盃玉斝之家聲早按周行茂雁有異眷踐更中

外之久備見設施之良分毫已報於政成上計亟聞於詔可荐領
承宣之寄用分宵旰之憂浙水雲愁人結去思之恨闕山風動衆
興來暮之謠將聆精騎之戒途切恐絲綸之從召入綴鸞鴻之列
即依日月之光某濫籍官聯素餐屬邑託二天之庇望有甚於雲
霓賀大厦之成情豈勝於燕雀

賀程知府啓

朱顯叔

輟從祠館更殿侯藩上知其明物論斯快凡賴幘幪之庇尤深抃
躍之誠仰惟 判府徽猷道德淵源文章宗伯回狂瀾於學海聳
巨幹於儒林偉程氏之家聲爲伊川之名世典刑具在風采凜然
雖擁毒蠱建牙易司弁翰而持荷簪筆將處禁嚴藹輿頌之甚休
慶邦人之攸繫某江湖冷族章句陋儒側聆綸綍之頒屬在部封
之末將詣望履欣遂執鞭願伸拜下之儀式慰仰高之僚諒旌麾
之所指宜神物以來持倍擁殊祥允符瞻詠

賀葉守啓

許仲賢

暫違省掖出守淮壖阻奉訊音積馳係想伏惟 某官富有道李
奮爲人文真前疑危自信剛大三已而无愠色是有子文之仁四
十而不動心真得孟軻之勇行聽嚴召用副衆言公先沐芳滕第
深愧感

賀王守啓

陳師孟

睿主勤賢思得人而共理寧侯躋國即拜命以承流久傾慕藹之
情茲快識韓之願恭惟 判府提率中大器資博大材術優長浴
德澡身外絕可磨之玷泣官行法中懷以直之剛將使指以觀風
肅豪強而斂迹宸衷簡在儒術盛行當運開千載之期享人生五
馬之貴才應鳳皇之瑞名彰鸛鷺之行尚枉朱輪竚翻紅藥公磨
鈇策鈍切食偷榮隱居以求幾欲栖蹤於少室爲貧而仕頗斬尸
位於藍田何期苦節之踈頑獲倚甘棠之蔭樾欣然有喜言之不
文虔修燕賀之誠後遂鳧趨之幸瞻依政切敷叙莫窮

賀薛守啓

蒲子復

伏審光膺帝渥寵寄侯藩乃江浦之奧區實京華之近地自頒綸
綍喜溢摺紳恭惟 判府右司德望俱隆才華甚茂夙抱孔周之
孝出逢堯舜之時簡在淵衷屢膺顯擢優居星省徇翔久歷於
歲時出奉虎符平理尚資於德政用副九重之意計安千里之民
使无歎息愁怨之声宜有和易優柔之化且郎官上應列宿咸仰
循良然刺史入為三公佇觀褒顯公自惟寒賤又辱眷知聞除命
之既傳激愚衷而倍喜敢憑竿牘輒伸燕賀之私遐企門墻徒
極斗山之仰其為贊詠罔罄敷陳

賀曾守啓

張守道

屈臨藩方小試才具視印章於剛日下條教於遺民父老交歡士
友同慶恭惟 某官才華世濟學術家傳博涉古今久擅縉紳
之文踐揚中外早膺廊廟之知未究遠猷姑從祿仕雖淮西之偏
郡實江左之上流疆場粗寧政假綏懷之畧瘡痍未復尤資惠愛
之恩想耕桑之業俱還而襦袴之謠並起班春擲簡追健筆於東
坡漉酒叩舷弔英姿於赤壁一洗積年之沉滯未妨他日之奮鸞翔
佇治最之上聞即華塗而入踐其久叨事契每嘆淹回遯聞下車
殆將折屐莫遂門闌之慶首貽竿牘之榮欣幸之私敷言罔既

賀梁守啓

趙承之

顯膺成漢易鎮近藩左史記言暫輟論思之益大邦維翰實分受
顧之勞盛德所加傳聞相慶恭惟 某官遠猷經世雅望映時一
林子虛秀發岷峨之氣春秋洪範相傳父子之書方公道之恢張
首衆賢而召見細文虎觀遡觀四部之新載筆螭坳曲尺三長之
妙密勿公言之地從容侍從之班敢意江湖獲瞻鸚鷺淮陽暫出
在汲黯以何傷馮翊既更抑望之之將用矧乃賜環之意兆茲換
節之榮坐恐憩棠不容暖席其晚生墻面孤宦陸沈想前輩之風
流莫傳師友誦名臣之事業殆若神人乃當太府之開猥廁附庸
之列行其少季雖莫逮於絃歌奉我寬條尚不專於刀筆

治中

賀王倅啓

虞智周

伏審光膺渙號榮貳雄藩消日之剛已諧洗視順風而請采切依
歸恭惟 某官韻宇儲崧高文倒峽智能周天下之事書不工帝
上之言入碧海掣鯨鯢其已久矣上青雲跨駉駉尚且遲之姑倅
貳於郡符已喧騰於朝望山川改觀風月平分千里題輿寧又屈
屏星之駕九重側席將促近北辰之居不待突黔即膺泥紫其質
穎性空才散慮踈偶濫竊於儒科顧繆當於邑寄傷多制衣錦冥
有索塗才已匱於一同考書下下仁鼎依於半刺喜溢津二影欲
避於馮行屢敢替於燕賀屬綠掌綴莫獲親承貢糝禮於絨膝
碩慚柔訥溯餘光於墻仞第劇戰兢冬律向邁寒氣尤力敢勻節
宣之善茂迎戩穀之繁心曲所期筆端奚竟

賀陳倅啓

虞智周

伏審祗承休命榮貳雄藩千里庇休一時鼓舞恭惟 公官行方
以峻德粹而溫精窮李問之淵源自立文章之機杼酬酢世變以
時中之義混融天理於日用之常首善京師風光壁水同流王化
來駕屏星姑試題輿即膺前席居之無幾暫遠城南尺五之天進
也未央將到蓬萊方丈之地某質穎性空才散慮踈偶濫竊於儒
科顧繆當於邑寄歲糜膏費其蘄鼠切於太倉長入暮歸第見驅
馳於空隙雖弊筋力何補毫毛會逢賢德之鼎來尤慶微蹤之有
託何其幸也將披宿霧於台堂又有甚焉願借餘波於君地寸心
所蘊天牘奚周

賀龔倅啓

龔子止

紫詔疏恩倚諸老先生之重黃堂貳政膺治中從事之榮凡庇餘
光奉深朴素切以朱蟠皂蓋永宣雖寄於專城泥軼緹屏開決是
繫於別駕矧邛山之舊地號蜀土之名區筦推浩繁簿書紛委不
有耆英之望孰資政理之良恭惟 公官道會性天孝優聖域圓
明妙湛契古佛不傳之心變動周流窮伏戲未畫之易踐揚撫仕
藹著能聲暫淹持橐之榮茂對題輿之寵濁賢清聖舊聞隱吏之

風流白叟黃童尚識故侯之面目佇瞻旌旆仰託幘幘公庇職无能以身得察莫從候吏躬負弩於前驅行與諸生俱執經於函丈其為欣抃罔究編摩

賀魏倅啓

周行可

疏恩玉殿半刺金城邸報所傳輿情惟愜况幘幘之所逮尤鼓舞以知歸恭惟公官器略宏深風猷秀整凡周旋當世之務皆從容適時之才當宁春隆欲共濟中興之奉題輿望重姑試觀開決之能歷數前世之英雄多由此塗而施設矧茲潮郡自昔瀛洲嘉未宛然韓昌黎之舊德曹碑屹若陳文惠之高風允藉鴻才庶攀懿躡頽方自露展驥足為海隅席想未温來鳳書於日下顧茲冗品幸屬下風特遂鳧超預深雀躍

賀王倅啓

楊成功

芝封紫誥久傳半刺之除魚置尺書莫展一言之賀况江山之有間望履焉以死因仰德滋深撫躬積愧恭惟某官識該今古李貫天人蚤空蟾窟之技旋浴鳳池之浪盤根錯節知投刃以皆虛聳壑昂霄遂干雲而直上即見題輿之文遠追康海之功計未席温已聞詔入某鼠窮易見鉉鈍奚堪昔已幸於登龍行復欣於附驥謹同百姓再與來暮之謠更冀一身獲賴存全之惠春規邁暮德宇曼遙伏祈上為邦家善綏福履其為頌詠曷罄敷陳

賀饒倅啓

李知幾

仰膺宸檢半刺侯藩惟茲奎國之公評允屬題輿之重望先声所暨眾志攸歸恭惟公官李術淵源天資醞籍聲名聳聳縉紳先生之觀議論有君子長者之風當年芹泮之師儒漸摩有素此日棠郊之別乘闕决尤長坐席未温召函已促某鯁生何幸鴻庇是依將遂鳧超尤深雀躍

賀張倅啓

鄭厚

仰膺成命半刺巨藩贊美政於中和試長才於闕决先声所暨公議攸歸恭惟公官李有家風才推國器用无施而不可治所至

而有聲望重題輿試襄夷途之驥足春隆當宁行陪禁掖之駕行
自顧萍蹤行詹芝宇

賀李倅啓

何子固

公朝重外聖主憂民輟樞府之要津貳海濱之遠郡先声所被闔
境交歡伏惟 公官李術深醇文詞典麗詩書傳美夙高翰苑之
風華萼連芳繼擢詞科之貴橫身李省提繫道山涵器業以加修
養名声而益廣碩時方右武徒誇述作之工雖地峻本兵猶滯編
摩之職謂當迅用更此外迂諒无暖席之安即被賜環之寵公榮
同解褐進類鞞糠從伯仲之游幸朝鷲之接武申子孫之契喜別
乘以同寮將蒙刺於刺裁庶偷安於嘯諾米鹽不給老子之與无
多風月何殊賢者之樂有待其為折幸難具敷陳

賀諸葛倅啓

熊子復

伏審中䟽一札外贊六條以卧龍宗派之華由展驥仕塗之捷雖
仲奉明輕別駕未愜壯懷然武夷陰護曾孫仰駐仙境恭惟 通
判寺丞世傳令德身負奇才鄉士升司徒掇袞然之舉首国子入
太孛掀籍甚之能名属睿智之有臨憫文献之不足使謁者而求
遺書於天下得先人所藏古文於壁中悉送上官皆充祕府既助
興於縟典宜祇奉於渥恩驟逢特達之知早免徒勞之任入聯棘
寺法推廷尉之平出貳棠郊政持刺史之半龍檢即聽於嚴召鶴
行更親於榮登某鄭校小生梁園下客栖 二者非為安也誠慕是
邦之賢大夫休 焉是能容之願進吾黨之任小子

賀連倅啓

鄭元嘉

恭審雲外鳳書光被九重之渥湖陰泥軼榮分半刺之權消日頒
條順時宣化伏推慶慰恭以 某官先生材猷敏邵聞望高華秀
氣逼人飄逸一枝之桂冲懷灑落汪洋万頃之陂允矣棟梁之材
温其瑚璉之器茂水睿眷踐歷要津姑藉盛名暫題輿於方面准
揚茂績終持橐於禁林德業定期於遠圖功名蓋出其餘事公祖
本移澗身生益陽徒知誦詩而讀書未能出囊而脫穎敢言評蹟

濫玷宗盟欣承視印之初倍切懼心之積賓墀稱賀已瞻大厦之
成資舍偷生全恃慶雲之庇

賀王倅啓

李子西

伏審詔下日邊逖聽疏恩之渥邦臨湖右咸瞻半刺之榮光耀摺
紳權傳道路恭惟 通判李士行應人傑才稱世師清節照時注
玉壺之沆瀣高文華國垂金薤之琳瑯暫淹展驥之馳終副佩刀
之贈无施不可所至有声恐未及於下車已別聞於出綽某顧慚
樗質謬綰銅章比從邸報之傳亟動心旌之喜晉卿愛日將遂借
於恩光少室景星行可期於快覩江鄉歲晏門館天遥倍希遵結
之宜益厚穆清之眷茲焉抃頌无以喻云

賀龔英倅啓

史鴻漸

伏審制出中宸通虎符而共守權居半刺展驥足以猶淹除自初
傳輿情胥悅恭惟 府判李士心澄玉海李富金薤大策高文昔
貴都城之紙仁恩善政屢陰召伯之棠尚虛持橐之班俯就題輿
之任未温坐席行趣歸裝公樛櫟散材蓬蒿倦翼識迷朱墨
敢辭簿領之勞目極雲天即仰帡幪之蔭迹阻匏瓜之繫心馳燕
雀之誠折喜載懷名言莫既

賀范倅啓

費原父

伏以芝緘疏籠榮膺別乘之除泥軼臨民爰貳价藩之重傳聞攸
暨折擇惟均伏惟 通判李士閱識會元英猷射遠蚤飛英於桂
籍旋振武於花封物情曲行而周知吏事弥精於綠飾雖兼長之
屢試亦素蘊之未摠刺史題輿俯慰一圻之望侍臣持橐行陪三
接之榮公仕也為貧師哉何補幸瓜期之甫及望宇蔭以猶餘歲
律崢嶸物華婉晚願謹節宣之理益崇頤衛之宜折頌之私敷陳
奚究

賀虞倅啓

崔子淵

中疏一札外贊六條泥軼來臨動溪山之秀氣樵城相慶載道路
之歡声伏惟 公官氣宇靚深性資輝厚蚤飛敷於華旦荐騰路

於夷途別駕郡於陳番暫屈雲霄之步宣室思於賈誼佇承雨露之恩其自昔聞風尚遲識面將繡衣之直指甚愧非才啓白絹之斜封益欽厚意

賀張倅啓

熊子復

伏審疏禁宸檢閔決藩條喜催龍劔之還愧枉魚緘之貺切以廬陵送行於北固詠江山之最嘉眉陽得侶於西湖謂風月之分破恭准通判朝議受才膺敏造理精微波瀾文自老成緣飾政皆儒雅題仲季之座方著於今名賜建武之書即膺於嚴召公猥叨郡寄稔聽鄉評所求乎先施未能過勤妙語匪報也永以爲好用贄鄙辭

賀胡倅啓

周茂卿

伏審光膺宸檢榮貳藩條方閱次以及期即涓剛而赴治凡居按察預切欣愉恭惟府判判院季有淵源文知射要自偶休明之運已深簡在之知錯卽盤根迎刃而解良金玉爲世所珍齋富貴之逼人付功名於餘事乃眷梅仙之境暫承竹使之符治優贊於循良政每資於閔決預慶偏州之蒙福咸欣半刺之得賢然州縣徒勞人寧久淹於外補而台相先遠業行即慶於褒除其賦性凡庸受材菟瑣雖便二而唯謹徒斷二以無他濫綴官曹叨爲邑佐自始聞於成命尤切倍於歡忻燕集雕梁已有依棲之便馬居華廐尚希眄睐之私願伸拜下之儀式慰仰高之僚諒旌麾之所指宜神物以來持倍擁殊祥允符瞻詠

賀王倅啓

朱廷珪

榮貳使車光分鄰境假符刺舉實瑞表於郡寮替職蕃宣迺同流於王化風聲所暨驩誦載颺伏惟欣抃恭以某官植德粹溫受才明敏文高華胄惟有之是以似之業紹真儒在賢者識其大者聊據底蘊式著翔翔允敷惠於一方即飛英於百越肯從別乘無煩題仲舉之輿使處治中佇見展士元之驥未遑煖席應有除書公叨守邊陲匪遙賓此木受繩而金就礪阻切奉於良規石韞

玉而水懷珠願少希於餘潤瞻依有素取述奚殫

賀韓倅啓

趙承之

光膺睿制榮貳雄藩屈遠步於再臨任雖圖舊聞餘風而相慶命則維新恭惟 某官厚德在民高名映世青箱肆業有七相五公之傳黃卷策勳必三代兩漢之作蚤注虛懷之眷屢宣實試之勞乃以別車荐更名郡恩波所浸江湖猶記於昔遊遺愛宛存父老能談於故事雖用賢之未及抑重外以為深坐觀海沂之康立還宣室之召某塵埋俗駕景仰下風濫陪墨綬之行獲奉屏星之耀靈河布潤尚霑九里之餘大厦告成與有千間之慶

帥司屬官

賀王參議啓

洪廷卿

伏審中疏華渚外贊雄藩徒御鼎來猶未披於樂霧絨騰驟至乃先拜於郁雲士林交歸帥閫增重恭惟 參議直閣受才傑異造聖青散收家台輔之榮世臣扶謂喬木早歲甲科之擢孝者仰如泰山共知異北之空猶歎周南之滯閩包七聚率總十連佐方伯而領諸侯暫評婉畫媚天子而維吉士佇侍禁塗公猥被使令獲聯職事切慰仰高之久尤欣借潤之多

賀黃參議啓

林少穎

顯奉宸俞密叅帥畫聞鳴騶之載路竟制闈之增輝恭惟 公官識度高明器資宏廓蚤被聖神之眷屢更中外之勞茲膺簡迪之求來助撫綏之政庾公之在幕府寔為王儉之光昌黎之從辟書姑以中立之重佇聞環召入踐禁塗某久仰高風欣聆新命貽書見及夫何自牧之謙修謁未遑第深不寐之喜

賀謝參議啓

林少穎

疏恩外闡密叅聖壽畫之奇抗戀脩塗行遂瞻依之幸先声所暨輿誦惟均恭惟 公官沈靜有謀詳明知務无施不可用屢試於盤根所至有声固已核於餘地尚淹時望來贊帥藩以優游帷幄之中略其期會簿書之事益觀涵養佇即召除碩馳慶之未遑辱

飛緘之先逮載惟謙者良激感恂秋律方深涼飈浸肅異比寢興
之節式符企詠之私

賀劉參議啓

林少穎

肅奉宸恩榮參帥略先声所旣輿論攸歸伏惟慰愜恭以 參議
智通幽顯識洞古今高名聳乎搢紳遠謀見於樽俎碩聞風之已
久嗟識面以何遲方欲修誠遽蒙損翰驅馳原隰尚有阻於披雲
引想旌麾即當求於發藥益增傾向罔旣敷宣

聖宋名賢五百家播芳大全文粹卷第二十三

聖宋名賢五百家播芳大全文粹卷第二十四

賀啓

諸司屬官

主管

運幹

堤幹

檢法

總幹

賀漕司趙主管啓

周必舉

伏審䟽榮中袞參畫外臺四乘鼎來方期披於樂霧雙緘寵及乃
預捧於郇雲恭惟 主管朝議奧學根經雅評貫道內剛方而不
撓外廉靜以無華朝路聯輝有鶴原之難弟世科擢秀生鳳穴之
好兒卓有令名蔚為盛事回翔滋久緼藉彌深輓粟飛芻聊贊木
牛之運懷鈿抱槩即陪金馬之遊某猥假守麾獲陪帥屬式慰仰
高之久良欣借潤之多

賀漕司王主管啓

朱茂德

伏審光膺宸寵榮贊漕權視篆云初聞風增抃恭惟 某官器識
宏遠襟度坦夷家傳高談塵之風流世望仰夢刀之威重符彩已
標於世瑞聲稱夙擅於月評挺碧梧翠竹之材見璞玉渾金之器

外臺參畫雖未究於設施中哀求賢當別膺於除召某猥塵仕
路叨貳郡條聞台旆之鼎來搖心旌而倍喜首辱飛文之寵益銘
謙德之光

賀漕司周帳管啓

張德輿

伏審疏恩中禁贊畫外臺碩修敬之未遑迺飛文之先辱恭惟
某官詞林擢秀藝圃騰芳家聲高而亦辟之勲人物重青雲之器識
高明而自得量恢廓之有空踐揚蜚仕路之英蘊藉登朝紳之望
暫淹漕幕雖未究於設施遄奉宸綸當別膺於超擢諒無溫席行
即促裝某叨貳藩條不閑吏事每恨聞風之久未諧披霧之因敬
達柔緘仰謝先辱

賀漕司馬幹啓

楊子然

伏審入奉帝俞出隨使拍束越裝而在道涉闔境以之官先聲所
臨公論咸屬恭惟 運幹學士神鋒映俗仙格邁倫故家元重於
典刑今代獨高於文獻匪謂國之喬木以有世臣尚愛公之甘棠
而况其子誠孫于魯必有後統朝在秦豈無人從事外臺姑贊木
牛之運奏言前帝佇連金馬之班某猥以非才謬茲假守雖官塗
之新遇然烟黨之舊聯折白絹之封坐驚雲翰指紫芝之字行欵
風姿

賀倉司張幹啓

胡仲達

伏審疏恩中裝贊畫外臺都騎鼎來將遂披於樂霧務朋緘寵寄
乃預拜於郇雲恭惟 提幹朝議性質醇深才資閑遠蔚有令望
播于清時原隰皇皇暫出陪於使部省臺衮衮即進擢於公朝某
猥布條教方親名理式副仰高之久良欣借潤之多惟心所懷匪
面焉

賀憲司呂幹啓

周季茂

伏審光膺宸檢叶贊憲臺望夙著於公平下舉聞於林蹈恭惟
某官生資渾厚抱德醇全以大丞相流慶之賢佐部刺史宣風之
寄分行郡國諒無濫罰之寃替理條章當著輔成之績廣聖主

好生之德懷君子近厚之心雖未究於設施已足明其惻隱園扉
鞠草行與有功西掖判花姑惟少待某聞風鄉也披霧灑然茲承
騎氣之鼎來首辱書函之下逮占辭叙謝添筆矣周

賀憲司檢法啓

黃廷秀

伏審光膺宸綽榮替憲臺詳研丹筆之文益重清時之選見聞所
既歡抃惟均恭惟 某官躬被中和才周果藝勤勞州縣不微當
世之知練習憲章多傳通儒之議比簡平反之望出陪直指之行
紙上深文快掃煩苛之弊毫端陰德自爲富貴之符某猥以窮途
將承餘史倦游半世方嗟舊事之空妙札五雲竊喜新知之厚

賀胡錢監啓

熊子復

伏審祗奉茂恩榮司清職束吳裝而在道涉閩境以之官先聲既
傳公望咸屬恭惟 知監學士神標凝峙仙韻粹清飛翔蓋實於
京華留滯尚居於筦庫以眷長安之錢掾寔隸上林之鍾官聊發
折刑鉅務餘刃周園九府會見充盈漢札十行佇聞舉擢某猥游
郡幕獲比官寮惟心所懷匪回烏旣

賀坑冶司朱幹啓

陳建中

伏審光膺宸檢榮佐泉司凡預悒悒舉增欣抃恭惟 某官丰姿
秀整器識宏深棲烏傳揚府之家聲佩印仰錦衣之世望風采已
標於人瑞名稱夙擅於月評躋仁路以踐揚聳朝紳而推重鼓鑄
一路式資贊畫之功陵厲九霄當被稔除之寵遙羽即班於鶴鷺
致君肯會於風雲某濫竊儒科叨承邑寄徒弊筋力何補毫毛自
慙頑質尚資陶冶之功敢贊尺書敬布依歸之意

賀總管司王幹啓

王履道

伏審中宸疏恩外臺贊畫有識交頌不謀同辭恭惟 總幹朝議
古學精深大材挺特議論得古人之醇正文章追作者之規摹出
自相門雅爲人表荐更撫仕藹著休稱家藏三萬之牙籤已擅書
林之富世有千尋之玉海更韜儒席之珍暫陪幕府之宴談即造
朝簪之班列其猥叨聯事將幸接辭懷兼段倚玉之慙願希借

與言馬瓦礫成金之賜當藉包荒頌詠之私數宜罔既

州官 教授 簽判 察判 察推 知錄 司理

司法 司戶

賀陳教授啓

王志夫

順流而行東海曾獲望洋拄笏而對西山將聞致爽適茲馳想遠
辱貽書伏惟 某官駑駘座雄文卧樓逸韻不事一室亶為有用之
才將出六奇以佐太平之運暫采芹於絳帳即分燭於青藜某碌
碌尸官拳拳慕義念旃蒙作噩之威曾識面於荊州而單闕執徐
之年復同寮於士會永言欣幸莫罄敷陳

賀徐教授啓

周少淵

分職儒林下車鄉校高名夙著多士相歡自昔人昧五常之原而後世
無三代之學大道殫殘於秦法衆言殺亂於漢儒以公羊為賣餅
家蓋譏淺俚謂太玄可覆將西說尤病支離國家崇飾儒師發明道
德排異端之戕賊歸妙理之淵源必先因性而治身然後事君而
成物故於教養益重選掄伏惟 某官德性靜深天材秀擢非先
王之言不道以大人之學自修將趨步於紫垣暫棲遲於泮水金
口木舌一坐盡傾白日青天衆人皆仰鳴絃盈耳投屨滿門從善
若登並席幾四科之列聞風而作擔簦多千里之行禮義相襲英
豪輩出將見東徐雅俗共陶闕里之餘風正觀名卿半出汾陽之
高第行須嚴召別踐要津某服素深瞻承良幸

賀王教授啓

王叔珪

槐市聞風未識元魯山之眉宇蘭陵取友欣傳鄭博士之才名瞻
際非遙黃綠甚幸恭惟 某官莊鵬奮翮崑玉凝姿蜚學海之英
拔穎每先於多士廣詞場之勇奪標迨遍於諸科暫分泮水之芹
即遙昕庭之鷺某濫承友郡無補縣官愛莫助之方深憂於王事
吾知免矣將得見於善人矧先十部之臨益重寸心之感

賀陳教授啓

鄭之望

千室之邑使為宰方虞剝製錦之傷一卷之書必有師喜有摳衣之

幸豈特陪銀袍而鼓勇且將觀璧水之增輝恭惟某官學無不通文皆自得辭源浩瀚一時爭慕其才筆陣縱橫諸公無出其右游戲示工於三昧笑談連掇於兩科煥乎經緯之雄詞喧然膾炙於眾口聊居領袖未究規模招諸生立而誨之未見三鱣之効社則先生自此陞矣佇觀一柱之擎天某自愧塵埃日糜丹墨未能擁被聽朝衙之鼓徒勞戴星肩夜出之輿誓一洗於曾襟冀飽聆於警效且小以成小大以成大學者孰不傾心然見所未見聞所未聞小子願安

賀黃教授啓

晁子淵

伏審荐擢魏科尚淹重席當多士應賢書且歲急先生臨侯泮之時伏惟某官擢秀橋門飛英藝圃眷二狀元之鄉曲素懋斯文緊一真儒之範模來迪後進欲試青雲之步姑橫絳帳之經士雖雖得有道而正焉上念何相見之晚也某願慙假守獲並英游佇令然誦之興一先簞書之元茲為幸會將事從

賀游教授啓

張欽夫

疏恩北闕分教南邦出御史之名門先聲已著羣諸生於泮水講席方嚴伏惟某官文采飛英豈弟從政蓄於平素既以致遠為心見於施為常有躬行之實念此都會夙多俊良正資教養之功庸底作成之盛識其大者豈誦說云乎哉何以告之亦仁義而已矣其一違風宇二易歲華所聞徒御之臨首拜牋辭之辱自慚短翰曷報塵渠即聽令名少慰孤陋

賀陳教授啓

熊子復

伏以神標挺出夙冀欵於風姿僊馭鼎來顧枉貽於雲翰審韶光之駘蕩諒行色之雍容恭惟教授正字奧學根經懿文貫道才博通於世務譽卓冠於時髦傳道魚侯之泮宮未妨遠業校文老氏之藏室即被新除某猥假一麾過勤維牘寸抱第增於搖曳尺緘聊附於回翔

賀鄭察判狀元啓

楊廷秀

幕府粹清不妨尋東湖西山之勝江城踈遠未應屈石渠天祿之英或謂其羈離而愁思夫豈緣中外而欣厭恭惟 某官以海內寡二之學收天下第一之科舉首子大夫之中蓋今日之董相誦言諸宦寺之輩乃登第之劉蕢奏篇一傳紙價十倍何上意驟用而不可猶舊章相襲而或拘翩然斜飛來此外補民豈無瘼正恐非在位之敢陳公於是時力行其所言而執禦必能條白以次罷行上裨仁賢之主人下慰歡呼之父老六月之息鵬背未必之然十年而到鳳池故應未晚某自知其拙世指其狂少也勃乎欲竟造古人之處今而老矣聊坐觀半世之非周章折腰瑟縮掣肘宦情寂歷冷於楓落之江歸夢紛紛空遠菊荒之徑敢圖貧病之末路焉依蔭映之餘光

賀葛簽判啓

周元吉

伏審首充賓幕光贊守麾九里之潤安方依庇賴五朵之雲下貫尤認謙冲屬 徒馭之遽臨顧緘膝之未具恭惟 簽判朝議神標凝峙倦韻粹清仲尼顏閔之傳妙臻名理太史莊騷之作深達典刑氣節凜然聲華籍甚持紀綱於上郡暫屈壯圖聯步武於中朝佇膺殊渥某浸鄰衰境稔試冷曹直諒多聞既仰淵源之學中和樂職尚賚標準之詩

賀李簽判啓

胡子才

伏審光被恩章寵遷郎秩曾未馳於柔牘乃先枉於榮緘厚意所隆感懷殊劇恭惟 某官風徽端雅襟誼粹明早揚歷於宦游固聳傾於輿論郡條關治嘗歌敏贍之才賓幕參謀重屈優長之晝即傳顯詔別陟要途惟清履之順綏庶真祈之默契

賀詹察判啓

劉夷叔

屈從郎選來佐郡條慨吏役之繁興似非所處想儒者之緣飾終自不同伏惟 某官學窮淵源器有防檢早策榮於昭代思騰茂於要津追計平生已宜在金馬石渠之地何其万里尚能為紅蓮綠水之游雖雅量固已安之要朋論不為快也某老宜隱去貧為

祿來雖客潮揚子雲之窮自期不解於魯得柳下惠而友孰患無
從願勤跋涉之勞少慰後瞻之意

賀石察判啓

李西美

伏審選自銓曹隸于藩幕首贊一天之制先蒙十部之貽仰認謙
冲俯憐遲鈍伏惟 察判朝議英姿邁俗清望映時嗣文獻於故
家追典刑於前輩聲華籍甚氣宇浩然大府之會才能暫煩小試
本朝之進英雋即被新除某猥貳郡條幸私僚比愧未通於訊牘
辱先枉於誨函推心所期匪面焉

賀余察推啓

計敏若

伏審疏檢宸廷贊條藩幕青天雲霧風景仰於英姿綠水芙蓉
暫淹留於逸步邦人胥慶僚友交歡恭惟 察推朝議氣節凜然
聲華籍甚淵源師友學已悟於聖傳波瀾老成文更追於古作回
翔甚久恬養彌高眷大府之務繁籍元寮之才敏紛綸殊狀孰逃
照水之犀寥廓身擢不礙冲霄之翼某猥充計掾獲附雋游蔚
乎相輝方仰翩翩之譽退然無用自憐碌碌之蹤

賀楊察推啓

虞元老

伏審宸廷錫命藩府贊條凡與見聞舉增欣抃恭惟 某官襟靈
凝遠器度端方得岷峨之秀為最多養江源之源而有本身昔居
於韋布學已務於經綸果以謹言親蒙睿擢今既同孫夢得用文
辭而取甲科終必如范景仁登風節以名天下自是朝廷之選寧
容幕府之淹綠水紅蓮聊借途於鄉社青天白日行振翼於雲衢
某比屬還轅幸承傾蓋衰遲何取猥見推同道之先緘翰遠貽更
俯執下官之禮得見情文之厚豈非聲氣之求

賀潘知錄啓

鄭伯厚

仰膺宸檢來糾邦聯遂忝同僚甚該公論伏惟 某官端方器局
練達材猷暫領袖於郡曹行襟裾於省闈顧推朽質獲覩清標未
遑尺牘之修先辱駢函之貺

賀馮司理啓

熊子復

伏審大府簡僚高才作掾協贊專城之治允資折獄之良先聲既傳公望咸屬恭惟 司理學士才資閑遠氣質靖深妙臻師友之淵源夙振文章之光艷自言挺出宜踐要津豈謂晚成見推大器嚮已淹於征筦茲猶試於理曹雖屈壯圖實階膺任某猥縻郡稍獲比官聯方德庇之是依枉誨函之先達銘感惟劇頌歎曷勝

賀陳司法啓

鄭子履

伏審顯膺異數榮領決曹留心丹筆之文振迹青雲之路見聞所逮欣抃推均恭惟 某官襟度坦夷器識宏遠秀毓珠星之間氣家傳玉凡之遺芳刃恢二而有餘事多之益辦藩條小試試觀詳識之功剡牘交飛行有薦揚之寵某棲蓬薄宦偃蹇餘生莫承醞藉之風久費講聞之日濯纓而起自慙棲枳之香斂板而趨幸際詠梅之遜其為欣幸莫 敷陳

賀鄧司戶啓

陳阜卿

伏審擬自銓曲操干替府千里是敏於版籍庸有贊禪一時並萃於輩流卓為魁傑先聲所至公論皆歸恭惟 司戶學士奧學根經懿文貫道爭鋒文陣已高擬於魏莪發軔仕途宜大施於霹靂此殆哲人之細事亦非俗吏之能為編郭丹之事於黃堂庶為永式薦竇章之名於東觀即有新除某久矣仰高茲焉借潤顧未遑於馳牘迺先沐於飛函

縣官

宰

丞

簿

尉

賀許宰啓

陳仲思

光膺之檢榮撫花封凡藉帡幪孰不抃蹈恭惟 某官以大嶽之後繼箕山之高堂堂乎天下節義之閑皎乎屏間月旦之目詩成曰也無敵筆落潮乎通神父子聯榮無歆向異同之論弟兄接武有機雲俊爽之才茲暫試於牛刀誠未展於驥足朝歌地隘器寧畏於蟠根彭澤春回門遂青於植柳膽遠寒於猾吏氣皆吐於良民政號神明手驚霹靂狗偷鼠切望風而斂迹者何多鴈集鳧趨開口而待哺者皆是陽春有脚冰鑑無私回千室以熙熙照

羣心而凜三諒未溫席即膺召環其農圃遺民部封未士早受
一經之訓妄希三金之榮撫長鉞以興歌對短檠而自勵輒懷禰
刺進拜膺門雖桃李不言非有成蹊之意而燕雀相賀寧忘棲厦
之心

賀張宰啓

張仲謨

嚴擇剛辰已諧視事輒馮柔翰用展賀儀惟豈弟之素聞想吏民
之增喜伏惟歡慶恭以 某官天資渾厚人品高明郡縣多所踐
更名貫加于上下承宣雷地剴裁姑試於牛刀騰踏雲霄簡注行
膺於鳳詔某切叨郡屬忝與宗盟披晤行軒既獲據於傾嚮欣承
交印得暫假於依棲瞻頌惟深敷宣罔既

賀李宰啓

林豈塵

桑梓相鄰未嘗有一日之雅草木同味將共事三載之間嗟幸會
之何多慰平生之所願恭惟 判縣中大儼碩有立超邁不羣當
從諸公來來臺省之榮肯隨俗吏區區州縣之職以治清治鄭治

單父皆試其才而曰宰曰尹曰大夫豈輕所任矧番禺號為劇邑
於東南寧荷名藩自皇祐以來隸籍凡三万户繇蕭政而後蒞官
者二十人星行已及於一周雷震不聞於百里吏懷狙狡而頑悍滋
甚民雜亦虫蠶而馴治愈難必湏藉我公明斷之能然後革累年積
習之弊蓋盤根可別利器在熟路且駕輕車雙鳧正羨於喬仙一
鷗當隨於禰薦其牽絲云始為米徒勞幸君子之肯來與邑人而
為喜且仇覽枳棘烏敢忘棲鳳之稱而子游絃歌當與聞割雞之
笑其為欣抃曷罄敷陳

賀袁宰啓

郭文紀

俯臨雷地已聽事於剛辰仰望雲天爰訴懷於柔翰下車甫爾騰
頌翕然恭惟歡慶伏惟 某官醞藉天資淵源學海發策决科於
桂籍授經傳道於芹宮姑試臨民制錦暫煩於牛刀行觀報政頒
綸佇下於鳳函其下幕備負崇闕託比嘗披承於芝宇警效獲聞
阻趨造於花城譽依徒切

賀林宰啓

綦叔厚

伏審疏渥清朝永流鉅邑山川增爽共迎鳧鳥之臨風俗還淳暫
屈牛刀之試恭惟 知縣朝議規摹閑遠醞藉醇深粹然家學之
傳籍甚士流之仰才豪無敵一洗而凡馬空政妙有神四顧而全
牛解其猥充郡幕獲比官寮都騎鼎來即遂披於樂霧雙魚寵
及乃預拜於郇雲尺緘聊附於回翔寸抱第增於搖曳

賀孟宰啓

馮元通

雷地承宣濟恩威於此日雲天披靄慰想慕於平生吾道有光斯
民何幸恭惟 某官天資醞藉學術淵源才華以取科名儒雅以
飾吏治委蛇仕路剿裁姑試於牛刀洋溢教聲按擢行頒於鳳檢
顧惟陋質曾際英標倏慙塵襟誠未修於尺牘并包德量貺先辱
於駢緘

賀程宰啓

鄭伯厚

行臺被命望邑永流豈弟有聞吏民胥慶恭惟 某官學優制錦
道裕鳴絃政未及於下車民已深於引領屬茲式郡喜得賢僚未
遑尺素之修先辱長緘之貺內惟醜愧仰認勞謙

賀戴丞啓

熊子復

伏以一行作吏緣飾皆儒雅之條再轉為丞殿最必清真之文豈何
先貽於尺牘庸少叙於寸懷恭惟 知丞正字儂韻遠清神標凝
峙氣浩然而養之以直望儼然而即之也温雖六月之鵬蚤上於
搏扶而百里之亦鳥嘗棲於枳棘高才荐屈姑臨鴈鴛之行大器當
升定選駕鴻之侶轡而俟耳誰曰不然某猥以衰齡謬當劇邑薦
書雖上許呈身集鳳之堂代者何遲尚絆迹飛鳥之舍敢嘆瓜期
之度但欣樾蔭之依予不負丞丞負予君誠自謂我匪求蒙蒙求
我僕願相資聲雖成文豈莫盡意

賀晉丞啓

朱子淵

伏審調官銓曲貳令劇邑才尚淹於涉筆良鬱鬱衆情貺先枉於
飛緘仰欽厚意恭惟 知丞朝議性質凝重心術疏明炳然翰墨

之華籍其摺紳之望回翔浸久緼藉彌優再轉為丞雖雄圖之少
每八命作牧諒華渚之方來某頃幸承顏茲辱貽翰貝小夫之牘
少寓微誠依君子之察尚資餘庇

賀鄧丞啓

虞智周

種潘縣之花慙无妙手對崔庭之竹願託濃陰矧先十部之臨益
重寸心之感恭惟 公官行方以峻德粹而温景星鳳凰眾皆爭
觀渾金璞玉世莫能名友士尚論古人用儒以飾吏事先聲所重
豈惟清鴈鷺之行精意潛通端可息風濤之害涉筆占位難寔
於大手從登昂霄何礙於橫飛不待突黔即雁泥紫公尸官碌碌
慕義拳拳願識面於荊州豈同僚於士會豈為際遇將事從容承
負子予負承佇看摺紳之美子生孫孫生子永為仕契之榮

賀張主簿啓

元子俊

一行作吏備負方塊於哦松貳政得賢庇職獲聯於棲枳車塵在
望私分自榮台命寵光感綜增懼恭惟 公官學博以約德粹而
温翠竹碧梧外想威容之閑雅青天白日中涵氣質之清明蓋摠
經濟之才姑領勾稽之職暫閱簿書之冗勉從會計之勞蓋將託
宿於遠廬行且騰芳於楓陛謂百里豈大賢之路吾嘗聞之被十
行皆細書之文子其然矣某叨塵末路濫吹負丞初考已書寸功
无補徒有愿中之愧曾元善從之圖同舟而无異心庶幾同濟會
績而借餘燭更賴分光

賀沈尉啓

趙德莊

伏審擬自銓曲掾于巖邑協佐鳴絃之化式資綵棒之威先聲既
傳公議允屬恭惟 仙尉學士根經種學貫道締章中蘊氣以浩
然外騰聲而籍甚蓋即登於儒館猶須試於尉曹更隱吳門尚晦
子真之德盜奔晉國已收士會之功某猥服冷曹嘗歎英槩欣尚
依於華蔭塊預枉於珍函

賀魏尉啓

張守真

山城攝事蒲懷三斗之塵函使將勤有寵鯁魚之貺於德固謙矣

斯心其謂何恭惟 某官韻宇儲松彌文倒峽刃游餘地翩翩信
公子之佳吏隱仙官鬱鬱三豈一此居之久什履奏最式大前修某
伎止於斯老之將至云胡不喜得平生交識之人惠然肯來賴王
事同寅之助所藏曾以未竟毫端

監官

監鎮

監場

監酒

監稅

賀李監鎮啓

陳師禹

伏審消選剛辰典司清職動歡聲於井陌回爽氣於西山恭惟
知鎮朝議僊韻冲深神機凝靜藏之以待如白壁明珠之珍扣之
則鳴若黃鍾大呂之韻粹然家學籍甚時名斬且煩開市之征壯圖
尚屈行被廟堂之擢異渥方來進任中朝用光先正其猥居郡幕
獲比官聯昨預拜於郇雲茲入披於染霧務甚慰仰高之久良欣借
潤之加倍激卑踪式殫危悃

賀李監場啓

程子光

抵雁綸渙分典貨源進用所階流聞相應恭惟 某官家傳素業
行蹈清規久參幕府之游積有公朝之譽維茲新命寔視中都便
入政之允修內能富國則三軍之素飽外足強邊選任匪輕褒嘉
可待公風期自昔問訊未遑拜藻翰以其學撫懦衷而增愧

賀孔監場啓

史唐老

伏審光奉茂恩肅司清職才尚淹於筦庫良鬱衆情規先枉於
緘騰仰欽厚意恭惟 監場朝奉受才傑異造理精微大族本於
中州華胄出於先聖粹然家李籍甚時名雖暫屈於壯圖諒即膺
於異擢其自憐碌碌殊愧翩翩依君子之僚尚資餘莛貢小夫之
牘少寓微誠

賀翁監酒啓

胡文饒

平生仰德常馳引頌之情今日依仁幸有盍簪之契承顏伊邇撫
已增榮恭惟 公官食德慶門飛聲仕路神助盃觥之句知醞藉
之有餘爾惟翹薛之才或設施之可卜暫勞心計即以最聞公家
之利无不爲曰既富矣賢能之舉不待次行將見之其粗知讀書

不習爲吏半生牢落技何取於穿楊一第間關仕偶沾於棲棘不
圖際會獲有依承矧惟託宿之居密邇移封之地簿書餘暇敢忘
請益之勤樽酒相從當奉論交之款

賀游監稅啓

王子禮

瞻風滋久預懷傾蓋之誠卜日鼎來行有蓋簪之契其爲厚幸實
倍常情恭惟 公官德蘊中和氣全剛大涵養廟堂之用淹回關
市之征貨財所積以如山商賈願歸於其市暫勞心計即以取閒
膠萬或起於漁鹽當從此始丈子不輕於筮庫必舉所知其粗知
讀書不習爲吏凡錢穀米鹽之事未嘗過而問焉今簿書期會之
勞乃由此其選也尚虞狂斐或致曠瘳有以利吾國乎已卜其鄰
之富友其士之仁者幸分我燭之光

兵官

統制

路分

賀韓統制啓

范東叔

敬奉詔書進褒師律道上閩名嚴近爲中壘之光華恭惟 某官
才雄萬夫身履百戰稟山西之氣膺閩寄於九重破歷下之軍讀
家聲於千古異掃妖氛之暴亟升勇爵之崇其父仰戎昭况依鄰
寶贊喜未遑於奉記披誠首辱於騰牋徒積感銘敷宣曷旣

賀曹路分啓

徐南仲

長劍倚空壯矣平生之志高牙啓道重言指日之迎未嘗燕頷之
竒姿有寵鵠經之妙墨光生暮齒庇託餘陰恭惟 某官千里折
衝一身是膽矯矯戎昭之義英武緯之雄贖馳銅柱之名暫屈金
華之地蛟龍得雲雨詎聞鬱鬱之一居貂蟬出堯鑿拭目津津之喜
某叨丞一障幸歷三時居聞騎氣之來殊激懦衷之立顧橫槊賦
詩之逸可得而聞使磨鉢舐墨之流亦足以發

聖宋名賢五百家播芳大全文粹卷第二十四